



Kingusinnerpaamik UKA2016-imut atatillugu Kalaallit Nunaanni Inatsisartunut qinersisarneq pillugu inatsit nr. 9, 31. oktober 1996-meersumut, kiisalu Kommunalbestyrelsinut, Nunaqarfinni Aqutsisunut Ilagiillu Sinniisaannut qinersisarnerit pillugit inatsit nr. 7, 3. december 2012-meersoq pillugu Inatsisartut inatsisaannut allannguu-tissanik saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni tamakkiisumik Inatsisartunut aammalu kommunalbestyrelsinut, Nunaqarfinni Aqutsisunut Ilagiillu Sinniisaannut qinersisinnaanermut tamakkiisumik qinersisinnaanermut ukiorisat ullumikkut 18-iusut 16-inngortillugit.

(Inuit Ataqtigiit Inatsisartunut ilaasortaataitaat)
(Siullermeernera)

Inuk suli 18-liisimangitsoq meeraavoq. Tamanna nassuiaatit atorneqarpoq Naalagaaffiit Peqatigiit meeqqat pillugit isumaqatigiissutaanni. Meeqqat pisinnaatitaaffeqarput ataqqineqartussanik. Aamma pisussaaffeqarpugut meeqqat illersussallugit. Isumaqatigiissut taariigara naaportorlugu meeqqat aamma pisinnaatitaaffeqarput sunniuteqaqataanisaminut, kisianni taasisinnaatitaanngillat. Tamatumunnga eqqarsaatinut ilaavoq meeqqat inersimasunut naleqqiullugit sunneruminarnerusarneri, pissusissamisoortumik suli eqqarsartaatsikkut misigissutsikkullu inerivissimasuunngimmata. Tamanna akerliuvoq qinersisinnaanermut ukiup ullumikkut 18-iusup appartinnissaanut.

Alla isigisariaqagarput tassaavoq qinersisinnaatitaaneq aamma qinigassanngortissinnaaneq ataqatigiimmata. Kissaatiginerparput 16-nik ukiullit Inatsisartuni ilaasortaaqatigisarnissaat nuna tamakkerlugu aalajangigassat annertuut aalajangerniarneranni, naak nukitik atortariaqaraluaat atuarnertik naammassiniarlugu? Demokraatini kissaatigaarput, meeqqat meeraanissartik sulissutigisariaqaraat.

Demokraatini isumaqarpugut siunnersuuteqartup siunnersuumminut siunertai kusanartuusut. Isumaqarpugut pingaartoq inuusuttut peqataatitarnissaat maannakkut aalajangertakkatsinnut inerisimagunngorpata taakkununnga sunniuteqartussaammata. Aammali isumaqarpugut qinersisinnaanermut ukiorisat ullumikkut 18-iussasut.

Taamaattumik siunnersuutip itigartinneqarnissaa inassutigaarput.